



Broj: 01/8-50-3-39-6/24

Sarajevo, 29. 1. 2024.

**IZVJEŠTAJ O RADU KOMISIJE ZA BORBU PROTIV KORUPCIJE
PREDSTAVNIČKOG DOMA ZA 2023. GODINU**

Sarajevo, januar 2024. godine

SADRŽAJ

POGLAVLJE I. UVODNI DIO.....	3
Tabela 1. Pregled sjednica Komisije s tačkama dnevnog reda	5
POGLAVLJE II. IZVJEŠTAJ O AKTIVNOSTIMA KOMISIJE.....	5
Odjeljak A. Zakonodavne aktivnosti.....	6
Odjeljak B. Izvještaji, informacije i predstavke.....	6
Odjeljak C. Ostale aktivnosti Komisije.....	7
POGLAVLJE III. REZIME	7

Na osnovu člana 32. stav (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23 i 87/23), u skladu s Uputstvom o metodologiji izrade izvještaja o radu komisija Parlamentarne skupštine BiH (broj: 01,02-02-4-574-1/13 od 10. 4. 2014) Komisija za borbu protiv korupcije Predstavničkog doma Parlamentarne skupštine BiH podnosi Predstavničkom domu Parlamentarne skupštine BiH sljedeći

Izvještaj

o radu Komisije za borbu protiv korupcije Predstavničkog doma za 2023. godinu

POGLAVLJE I. UVODNI DIO

Komisija za borbu protiv korupcije Predstavničkog doma Parlamentarne skupštine BiH (u daljnjem tekstu: Komisija) stalno je radno tijelo Predstavničkog doma Parlamentarne skupštine BiH (u daljnjem tekstu: Predstavnički dom). Djelokrug Komisije određen je članom 49a. Poslovnika Predstavničkog doma prema kojem Komisija razmatra pitanja koja se odnose na: prijedloge zakona i izvještaje institucija sa stanovišta borbe protiv korupcije, provođenje parlamentarnog nadzora, praćenje aktivnosti i razmatranje pitanja koja se odnose na Agenciju za prevenciju korupcije i koordinaciju borbe protiv korupcije (u skladu sa Zakonom o parlamentarnom nadzoru), saradnju s pravosudnim institucijama i organima za provođenje zakona na nivou Bosne i Hercegovine na polju borbe protiv korupcije, kao i na razmatranje i drugih pitanja iz oblasti borbe protiv korupcije.

Predsjedavajući Komisije je Branislav Borenović, prvi zamjenik je Predrag Kožul, a druga zamjenica predsjedavajućeg je Ermina Salkičević-Dizdarević. Ostali članovi Komisije su: Nenad Grković, Zlatan Begić, Nermin Mandra, Safet Kešo i Milorad Kojić.

Centralna izborna komisija BiH utvrdila je prestanak mandata Zlatku Miletiću, poslaniku u Predstavničkom domu Parlamentarne skupštine BiH, s danom 17. 2. 2023. kada je podnio ostavku na mandat poslanika zbog izbora na nespojivu funkciju. Time je prestao biti član Komisije. S obzirom na to da do sada nije predložen niti izabran novi član, Komisija ima osam članova.

Komisija je osnovana Dopunom Poslovnika Predstavničkog doma Parlamentarne skupštine Bosne i Hercegovine, koja je usvojena na 31. sjednici Predstavničkog doma Parlamentarne skupštine Bosne i Hercegovine, održanoj 27. 7. 2022. („Službeni glasnik BiH“, broj 53/22), te još uvijek nema sekretara. Stručnu i administrativno-tehničku podršku za potrebe rada Komisije privremeno obavlja državna službenica Đenita Habota.

Komisija je obavljala poslove iz svoje nadležnosti, u skladu s Planom rada i procedurama utvrđenim Poslovníkom Predstavničkog doma.

U izvještajnom periodu Komisija je održala četiri sjednice, s ukupno 17 tačaka dnevnog reda u okviru kojih su usvojeni i određeni zaključci.

Sjednice su u prosjeku trajale 60 minuta.

Tabela 1. Pregled sjednica Komisije s tačkama dnevnog reda

Broj i datum održavanja sjednice	Broj razmatranih tačaka dnevnog reda	Prisustvo članova sjednicama Komisije
2. sjednica, 16. 3. 2023.	5	6
3. sjednica, 31. 10. 2023.	2	6
4. sjednica, 6. 11. 2023.	4	6
5. sjednica, 29. 11. 2023.	6	6
Ukupno: 4 sjednica	Ukupno: 17 tačaka	Prosjek prisutnih članova: 6

POGLAVLJE II. IZVJEŠTAJ O AKTIVNOSTIMA KOMISIJE

U izvještajnom periodu Komisija je održala pet sjednica, te sastanak članova Komisije sa šefom Misije OSCE-a u Bosni i Hercegovini ambasadorom Brianom Aggelerom.

Na 2. sjednici Komisije, održanoj 16. 3. 2023, usvojen je Orijentacioni radni plan Komisije za 2023. godinu.

U izvještajnom periodu nije bilo putovanja u organizaciji Komisije.

Odjeljak A. Zakonodavne aktivnosti

Komisija je na 5. sjednici, održanoj 29. 11. 2023, odlučila dostaviti Predstavničkom domu Parlamentarne skupštine BiH Prijedlog izmjena Poslovnika Predstavničkog doma Parlamentarne skupštine BiH.

Odjeljak B. Izvještaji, informacije i predstavke

U izvještajnom periodu Komisija je razmatrala sljedeće materijale:

1. Predstavku broj: 01/8-50-17-546/23 od 3. 3. 2023.
2. Predstavku broj: 01/8-50-17-559/23 od 6. 3. 2023. **(2. sjednica Komisije, održana 16. 3. 2023)**

Komisija je primila k znanju predstavke uz konstataciju da su one već dostavljene nadležnim institucijama na postupanje te usvojila zaključak koji glasi:

„Komisija će, najmanje jednom godišnje, tražiti od nadležnih institucija da dostave informaciju o statusu predmeta koji su im dostavljeni, a koji su bili razmatrani na sjednici Komisije.“

3. Metodologiju rada Komisije **(usvojena na 4. sjednici, održanoj 6. 11. 2023)**
4. Materijale Ureda za reviziju institucija BiH, broj: 01/8-50-18-2359/23 od 10. 11. 2023,
5. Informaciju Agencije za prevenciju korupcije i koordinaciju borbe protiv korupcije, broj: 01/8-50-18-2432/23 od 21. 11. 2023.
6. Predstavku broj: 01/8-50-17-2431/23 od 21. 11. 2023. **(5. sjednica, održana 29. 11. 2023)**

Komisija je odlučila da će u narednom periodu organizirati sastanke s Uredom za reviziju institucija BiH i Agencijom za prevenciju korupcije i koordinaciju borbe protiv korupcije, te Visokim sudskim i tužilačkim vijećem BiH, kako bi se raspravljalo o materijalima razmatranim na sjednici.

Odjeljak C. Ostale aktivnosti Komisije

Član Komisije (tadašnji predsjedavajući) prisustvovao je okruglom stolu pod nazivom Antikorupcijski dijalog, koji je, u organizaciji Delegacije Evropske unije/EUSR, Ambasade Švedske u Bosni i Hercegovini i Transparency Internationala u BiH, održan 28. 3. 2023, s početkom u 14 sati, u zgradi Delegacije Evropske unije u Sarajevu.

U zgradi Parlamentarne skupštine BiH 29. 11. 2023. održan je sastanak Komisije sa šefom Misije OSCE-a u Bosni i Hercegovini ambasadorom Brianom Aggelerom o temi borbe protiv korupcije.

POGLAVLJE III. REZIME

Na osnovu navedenih aktivnosti, može se konstatirati da je Komisija u 2023. godini blagovremeno razmatrala sve materijale iz njene nadležnosti.

U narednom periodu, osim razmatranja materijala iz svoje nadležnosti, Komisija će organizirati radne posjete ministarstvima Bosne i Hercegovine, Tužilaštvu BiH, Visokom sudskom i tužilačkom vijeću BiH, Sudu BiH, Centralnoj izbornoj komisiji BiH, Agenciji za prevenciju korupcije i koordinaciju borbe protiv korupcije, Agenciji za javne nabavke BiH, Uredu za razmatranje žalbi BiH i Uredu za reviziju institucija BiH, kao i posjete parlamentarnim tijelima drugih zemalja čija je nadležnost borba protiv korupcije.

Komisija će kontinuirano podsticati aktivnosti u institucijama Bosne i Hercegovine usmjerene na borbu protiv korupcije.

PREDSJEDAVAJUĆI KOMISIJE

Branislav Borenović

Prilog: Tabela 2. Tabela prikaz prisustva članova sjednicama Komisije

Tabela 2. Tabelarni prikaz prisustva članova sjednicama Komisije

Ime i prezime člana Komisije	Broj sjednice i datum održavanja sjednice Komisije			
	2.	3.	4.	5.
	16. 3. 2023.	31. 10. 2023.	6. 11. 2023.	29. 11. 2023.
Branislav Borenović	+	+	+	+
Predrag Kožul	+	+	-	+
Ermina Salkičević-Dizdarević	+	+	+	+
Nermin Mandra	+	+	+	+
Milorad Kojić	+	-	+	+
Nenad Grković	+	+	+	+
Safet Kešo	-	-	+	-
Zlatan Begić	-	+	-	-

** Odlukom o imenovanju članova stalnih komisija Predstavničkog doma Parlamentarne skupštine Bosne i Hercegovine, usvojenom na 4. sjednici Predstavničkog doma Parlamentarne skupštine BiH, održanoj 23. 2. 2023, Ermina Salkičević-Dizdarević i Milorad Kojić imenovani su u Komisiju.